

Broj: 08-16-5-994-14 /21
Sarajevo, 10.9.2021. godine

Na osnovu člana 21. stav (1). Zakona o reviziji institucija BiH („Službeni glasnik BiH“, broj 12/06), a u skladu sa članom 69. stav (3) Zakona o javnim nabavkama BiH („Službeni glasnik BiH“ broj 39/14), na prijedlog Komisije za javnu nabavku kompjuterske opreme za potrebe Kancelarije za reviziju, generalni revizor
d o n o s i

ODLUKU
o poništenju postupka javne nabavke
kompjuterske opreme

Član 1.

Poništava se postupak javne nabavke kompjuterske opreme za potrebe Kancelarije za reviziju institucija, broj: 08-16-5-994/21 od 2.9.2021 godine, iz dokazivih razloga koji su van kontrole ugovornog organa.

Član 2.

Ova odluka će biti objavljena na stranici Kancelarije za reviziju institucija Bosne i Hercegovine, i dostavljena ponuđačima u postupku, u skladu sa članom 70. stav (6) Zakona o javnim nabavkama.

Član 3.

Ova odluka se primjenjuje danom donošenja.

Obrazloženje


Kancelarija za reviziju institucija Bosne i Hercegovine donosi odluku o poništenju postupka iz dokazivih razloga koji su van kontrole ugovornog organa. Naime, predmetna javna nabavka je pokrenuta na osnovu odobrenih sredstava putem granta od INTOSAI (Međunarodna organizacija vrhovnih revizorskih institucija), tj. sredstva ne potiču iz redovnog budžeta ugovornog organa.

Pregledom dokumentacije i dostavljenih odobrenja od strane INTOSAI konstatovana je dilema da li odobrena sredstva uključuju PDV. Detaljnom analizom međusobne prepiske i dostavljenih odobrenja utvrđeno je da odobrena sredstva uključuju PDV, što nije navedeno u tenderskoj dokumentaciji – konkurentskom zahtjevu predmetnog postupka gdje je naznačeno da iznos odobrenih sredstava ne uključuje PDV. Obzirom da ugovorni organ nije imao potpunu informaciju o navedenom, isto je imalo posljedicu unosa pogrešnog iznosa procijenjene vrijednosti u predmetnoj tenderskoj dokumentaciji (za

navedeni iznos PDV-a) čime su date pogrešne informacije svim ponuđačima, što onemogućava ugovorni organ da nastavi sa daljnjim aktivnostima evaluacije ponuda i zakonitog okončanja predmetne javne nabavke. Kako ne bi došlo do bilo kakvih neželjenih posljedica ugovorni organ je u cilju jednakog tretman i poštovanja osnovnih načela ZJN bio prinuđen poništiti predmetnu javnu nabavku sa namjerom da istu ponovi sa tačnim iznosom planiranih sredstava. Ugovorni organ će zbog navedenog, a u namjeri da se svi potencijalni ponuđači koji su dostavili ponude u predmetnom postupku, ponovo odazovu na predmetni postupak, vratiti sve dostavljene ponude na adrese navedene u istim.

Uzimajući u obzir navedeno, Generalni revizor donosi odluku o poništenju postupka javne nabavke u skladu sa članom 69. stav (3) Zakona o javnim nabavkama BiH.

Pouka o pravnom lijeku: Žalba se izjavljuje Kancelariji za razmatranje žalbi BiH, putem ugovornog organa, u roku od pet dana od dana prijema Odluke o poništenju postupka javne nabavke kompjuterske opreme.



GENERALNI REVIZOR

Hrvoje Tvrtković

Dostaviti:

- Komisiji za javnu nabavku
- Ponuđačima
- a/a